

黃氏逸書考



黃氏通志



年譜

高密遺書

甘泉黃奭校

孫淵如觀察撰鄭司農年譜成自德州
寄浙示元屬元商訂之其中據太平廣
記三國志注引司農別傳以司農爲丁
卯歲七月戊寅生爲近年言鄭氏學者
所未及上元談階平廣文適在杭州元
屬其以四分術推朔閏知司農生於漢
順帝永建二年七月五日與別傳相合

無疑又海寧孝廉方正陳鱣亦舊撰司
農年譜未及觀察之詳備然亦有可采
擇者元乃加以補益并談君所推驗者
訂爲一卷付之梓人且於七月五日肇
祀司農於詒經精舍焉在德州校字者
爲台州洪頤煊在杭州校字者爲湖州
張鑑並識之嘉慶十四年中秋日揚州
阮元序

鄭元字康成北海高密人也八世祖崇哀

帝時尙書僕射

後漢書本傳世說新語文學篇注引高士傳唐史承

節鄭公祠碑

鄭沖之孫

賈公彥周禮疏

案漢書鄭崇傳崇字子游本高密大族父賓明法律爲御史崇哀帝擢爲尙書僕射沖之名不見於史

順帝永建二年丁卯一歲

鄭康成以永建二年七月戊寅生

太平廣記二百

十五引別傳

元以太歲在丁卯生

三國志魏少帝紀注引別傳

案後漢書順帝紀永建二年秋七月甲

戌朔日有食之則君爲七月五日生也

談泰曰范史章帝紀元和二年二月甲

寅始用四分術終漢之世未聞改法則

算康成生年月日宜以四分爲準今依

本法細推更以史證之順帝紀書春正

月戊申疑脫一朔字丁卯爲月之二十

日二月甲辰爲月之二十八日夏六月

乙酉爲月之十一日秋七月甲戌朔正

合五行志王午爲月之九日庚子爲月之

二十八日辛丑爲二十九日天文志二

月癸未爲月之七日閏月乙酉恐有舛

誤紀書六月乙酉則閏六月必無乙酉

當作六月爲近或乙爲己之譌是年閏

六月五日己酉乙己字形相近也或疑志書

閏月在二月後當爲閏二月則又不然

史書閏月皆不言何月亦非盡承上文

正月後通鑑目錄載閏二年八月紀書

閏月在四月後曰錄載閏六月如斯之
類未可悉數唯建武十九年紀書閏月
在四月後曰錄亦載閏四月安帝永初
二年紀書閏月在七月後曰錄亦載閏
七月延光三年紀書閏月在十月後曰
錄亦載閏十月此則承上文者至順帝
陽嘉四年紀書秋七月己亥下文書閏
月丁亥朔則己亥距丁亥四十九日閏
七月爲丁亥朔則七月必無己亥故目
錄云閏八月此支干顯然不合者且永
建丁卯果閏二月八月乙巳爲月之二
月內亦無乙酉也
日劉註引古今注云丁巳未詳何月三
月十一日五月十二日閏六月十三日
皆丁巳也又云七月丁酉爲月之二十

四日又云九月戊寅爲月之八日合觀
紀志所書與四分術多同若通鑑目錄
載二月丁丑朔四月丙子朔七月甲戌
朔九月癸酉朔十一月壬申朔竝同四
分唯稱五月乙亥朔則是年五月丙午
朔六月乙亥朔殆誤先一月又稱閏五
月則是年閏六月亦誤先一月也果閏
五月則乙亥爲閏五月朔不當又稱五
月乙亥朔未免自相矛盾此蓋因天文

志閏月乙酉遷就求合而不知先與本

紀六月乙酉不合況推是年六月二十

九日癸卯大暑中氣近晦七月初一日

甲戌處暑中氣在朔而中間一月十五

日己未立秋只一節氣其爲閏六月最

確倘閏五月則有節有中於閏法未協

又月內有乙酉而六月反無乙酉矣劉

氏旣載七月一日處暑則置閏必在六

月而不在五月此淺而易見者不知何

以誤推也至袁宏後漢紀作七月丙戌
朔即月內無壬午與紀不符且紀志均
書甲戌朔袁又何所據而顛改之或係
傳寫之失亦未可定要之甲戌朔合於
四分則七月五日戊寅爲鄭公生日無
疑

四分上元庚辰下距後漢順帝永建二
年丁卯積九千四百〇八算以元法四
千五百六十除之餘二百八十八不滿

紀法一千五百二十以蔀法七十六除
之得三蔀不盡六十入天紀辛酉蔀六
十年減一年餘五十九年以章月二百
三十五乘之得一萬三千八百六十五
滿章法十九得七百二十九爲積月不
滿十四爲閏餘是年有閏以蔀日二萬
七千七百五十九乘積月得二千〇二
十三萬六千三百一十一滿蔀月九百
四十得二萬一千五百二十七爲積日

不滿九百三十一爲小餘積日滿六十

去之餘四十七日又九百四十分日之

九百三十一命辛酉算外得年前十一

月戊申朔遞加二十九日又九百四十

分日之四百九十九

續志脫九字

得各朔

置年數五十九以日

續志作月誤

餘一百六

十八乘之得九千九百一十二滿中法

三

續志作四誤

十二得大餘三百〇九小餘

二十四大餘滿六十去之得九日又三

十二分日之二十四命辛酉算外得年
前天正冬至庚午日爲丙寅十一月二
十三日遞加十五日又三十二分日之
七得各氣

正月

戊申朔小

大

四十

小

四十

初九日

丙辰

立春

大

五十

小

三十

廿四日

辛未

雨水

大

十

小

十二

二月

丁丑朔大

大

十六

小

五十八

四百四

初十日

丙戌

驚蟄

大

二十五

小

二十七

廿六日壬寅春分 大一四十 小二

三月丁未朔小 大六四十 小一〇七

十一日丁巳清明 大六五十 小九

廿六日壬申穀雨 大一十 小六

四月丙子朔大 大五十 小六〇

十二日丁亥立夏 大六二十 小三二

廿七日壬寅小滿 大一四十 小三

五月丙午朔小 大五四十 小一五

十三日戊午芒種 大七五十 小五

廿八日癸酉夏至 大二十 小二十

六月乙亥朔大 大四十 小十六百六

十四日戊子小暑 大七十二 小十九

廿九日癸卯大暑 大二十四 小二十六

閏六月乙巳朔小 大四十 小十二百二

十五日己未立秋 大五十八 小一

七月甲戌朔大 大三十 小十七百二

初一日甲戌處暑 大三十 小八

十六日己丑白露 大二十八 小十五

八月甲辰朔小 大四十 小二百八十一

初一日甲辰秋分 大四十 小二十

十六日己未寒露 大五十 小二十

九月癸酉朔大 大二十 小七百八十

初三日乙亥霜降 大四十 小四

十八日庚寅立冬 大二十 小十一

十月癸卯朔小 大四十 小三百三十九

初三日乙巳小雪 大四十 小八十

十八日庚申大雪 大五十 小二十